

UGOVOR
ZA NABAVKU USLUGA
- iznajmljivanja WEB banera za potrebe KGF-a za objavu javnog poziva sa
člankom na kreditna sredstva KGF SERDA

1. „INTERSOFT“ d.o.o. Sarajevo, Zmaja od Bosne broj 7, Novo Sarajevo, Sarajevo, koga zastupa direktor Dario Šimić, (u daljem tekstu: Pružalac usluga), i
2. Sarajevska regionalna razvojna agencija SERDA d.o.o. Sarajevo, Kolodvorska 6, koju zastupa direktor Ševkija Okerić, (u daljem tekstu: Ugovorni organ)

I PREDMET UGOVORA

Član 1.

Predmet ovog ugovora je usluga iznajmljivanja WEB banera za potrebe KGF-a za objavu javnog poziva sa člankom na kreditna sredstva KGF SERDA, u skladu sa potrebama Ugovornog organa, a zaključuje se nakon provedenog postupka javne nabavke, Direktni sporazum broj: JN-131/17.

Ponuda Pružaoca usluga br: 3482 od 09.06.2017. godine je sastavni dio ovog Ugovora.

Član 2.

Ugovor se zaključuje na period od 60 dana od dana stupanja ugovora na snagu.

II CIJENA

Član 3.

Cijena usluga iz člana 1. ovog ugovora bez PDV-a iznosi 2.135,90 KM sa uključenim popustom od 86,10 KM, a ukupna cijena ponude sa PDV-om i sa uključenim popustom je 2.499,00 KM.

III NAČIN PLAĆANJA

Član 4.

Plaćanje za usluge iz člana 1. ovog ugovora će se izvršiti na sljedeći način:

- plaćanje putem transakcijskog računa Pružaoca usluga broj: 1610000056600093 kod RAIFFEISEN Banke,
- plaćanje Pružaocu usluga će se izvršiti nakon pružene usluge i dostavljene fakture,
- rok plaćanja je 15 dana od dostavljanja fakture.

IV ROK IZVRŠENJA

Član 5.

Pružalac usluga se obavezuje da usluge iz člana 1. Ugovora, specificirane u specifikaciji /opisu usluge/ i Ponudi br: 3482 od 09.06.2017. godine izvrši u periodu od 60 dana od dana stupanja ugovora na snagu.

V OBAVEZE UGOVORNOG ORGANA

Član 6.

Ugovorni organ se obavezuje da:

- da Pružaocu usluga omogući i pruži potrebne informacije za adekvatno pružanje predmetne usluge,
- izvrši obaveze iz člana 4. ovog ugovora.

VI OBAVEZE PRUŽAOCA USLUGA

Član 7.

Pružalac usluga se obavezuje da:

- blagovremeno izvrši obaveze iz člana 5. ovog ugovora,
- Ugovornom organu ispostavi fakturu za izvršene usluge.

VII PENALI

Član 8.

Za svaki dan zakašnjenja Izvršilac se obavezuje da naručiocu na ime ugovorene kazne plati pet (5) promila vrijednosti neizvršenog dijela posla, a najviše 5% (pet posto) te vrijednosti.

VIII VIŠA SILA

Član 9.

Ako slučaj više sile, potpuno ili djelimično spriječi izvršenje obaveza po ovom ugovoru, ugovorna strana je obavezna da obavijesti drugu ugovornu stranu u roku od 7 (sedam dana) od nastanka više sile.

IX OSTALE ODREDBE

Član 10.

Sve eventualne sporove, ugovorne strane će rješavati sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je sud u Sarajevu.

Član 11.

Ovaj ugovor stupa na snagu kada ga potpišu obje ugovorne strane.

Pružalac usluga nema pravo zapošljavanja, u svrhu izvršenja ugovora o nabavci fizičkih i pravnih lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog ugovora o javnoj nabavci, 6 mjeseci po zaključenju Ugovora.

Član 12.

Sve izmjene ovog Ugovora mogu se vršiti isključivo i samo uz pismenu saglasnost ugovornih strana.

Član 13.

Ovaj Ugovor je sačinjen u 4 (četiri) istovjetna primjerka, po 2 (dva) za svaku ugovornu stranu.

Pružalac usluga:
„INTERSOFT“ d.o.o. Sarajevo

DIREKTOR

Dario Šimić



Ugovorni organ:
SERDA d.o.o. Sarajevo

DIREKTOR

dr. Ševkija Okerić

UG-109/14

13.06.2014.

